

Akugu Zi EBERE

Lende 'Ba Boko'ba

¹ Pa tönë molo bine Boko'ba oloma 'deni rɔ tilende gɔ a ma gege zi 'bu ze löbu ga mi konzi ti bɔ kumë lende ni.

² Tine ma giri nime mi kada ame 'deni rɔ nburunburu mo ne, kole abo ame bo ki'di 'deni rɔ bɔ dɔ wa pili ne na bo koja 'deni kako kilende zize. Ti bo na me Boko'ba ko'ba wa pili 'ba doliŋɔ nime.

³ Bo na rɔ bi kɔpɔ ma löbu 'ba Boko'ba, kinë bo rɔ kinë Boko'ba. Tigo 'ba lende abo na me ki'di wa pili 'deni kedi kö'bö mi gɔ bi mo ga. Bo ako 'deni kurögö ze yaga di mi lende kënyë ze ga na me bo kari 'deni mitɔrɔ koloma dɔ dori Boko'ba tigo dɔ kiteli.

⁴ Bo na Boko'ba ki'di 'deni mbiri löbu di dɔ malayika ni kɔzɔ möyi ma ki'di dɔ bo rɔ kole, ame kina mbiri di dɔ möyi malayika ne.

⁵ Me malayika ma yala na Boko'ba kilende ra teyi kiya te, "Ni na rɔ kole ma. Töne ma na 'deni rɔ 'bu yi"? Me tönë 'dɔ bo kiya gbï te, "Ti mēdi rɔ 'bu zi bo kina ti bo kedi rɔ kole ma," ne bo iya dē gɔ lende 'ba malayika ma kɔtɔ mɔtɔ.

⁶ Mi kada nima bo Boko'ba kedi ko'dɔ 'deni toja kole dɔndende abo nime kako mi doliŋɔ bine ne, bo iya gbï te, "Malayika ma ga pili ti kilëlu bo."

⁷ Lende 'ba malayika abo ga 'ba Boko'ba na bo kiya kozo a nime te, "Boko'ba i'di lijë malayika abo ga ro lili, lijë bo laja abo ga ro pa'do."

⁸ Tine lende ma bo kiya go kö'du 'ba kole abo na te, "Ni Boko'ba, kiti 'bi ti kö'bö ro nburunburu, ko'do lende laka nburu mi nere löbu 'bi."

⁹ Ako'doko 'bi ro lende laka, o'ji lende kënyë. Go kö'du mo na me bo Boko'ba 'bi ko'do yi mbiri löbu ti loho mo kebe 'ba lep'i yi ga."

¹⁰ Boko'ba iya gb'i te, "Nere, ni o'ba wa pili 'deni di bi tisaki mo, doyayi ni ti mitoro köziyi na ko'ba."

¹¹ Lijë pili ti kote rönni tine ni 'beyi ti kö'bö nburu. Lijë ti köndë kozo boho,

¹² ti kukoku lijë kozo boho ngoro, kutë lijë ti ma la'ja. Tine ni 'beyi ö'bö te go bi mo, loma 'bi ote röni dë."

¹³ Malayika ma yala na Boko'ba kiya ra teyi te, "Oloma do döri ma bine nbö mi'di yi ka'da bo ya 'bi ga"?"

¹⁴ Ne tine ndobo 'ba malayika ni 'deni ro wa'di? Lijë na ro bo ndobo zi Boko'ba, tokonyi ame ga ked'i komo di mi tolë ne.

2

Konyi Löbu 'Ba Boko'ba

¹ Go kö'du mo nati zize 'do dogboke roze laka go lende laka naga nime duwöke ne kö'bö daze kinza debe docoke ra.

² Dogoke 'deni kö'du ki'di 'ba Boko'ba ma tonë ga malayika kuwöwö zi 'bu ze löbu ga ne ro

ma kodɔɔ. Kina me lijë ame ga pili kinda'ba dë ala kuwö dɔmo dë ne ndoro mo asi 'deni rönni.

³ Tine ze ma 'beze ti dɔmɔke tondo ɔɔɔ kiya te debe dilagike kɔnyi löbu 'ba Bɔko'ba nime bo kɔmɔ ze 'deni ti kole abo di mi tölë ne ra yaga? Njere Yësu na kuwöwö lende nime 'deni dɔgba. Kina me lijë ya ma kuwö di kpa bo mo ga ileme 'deni zize ma kedi ɔɔ ma kodɔɔ.

⁴ Kina Bɔko'ba ileki gɔmo 'deni gbɛ teyi, edi ɔɔ ma kodɔɔ. Bo o'dɔ gɔ koto ma konzi 'deni, bo koza Nyi Kɔto Laka abo zize kɔzo ma bo kiteri.

Bɔ Dɔliɔ

⁵ Tine malayika na dë bo ki'di ɔɔ bo dɔliɔ nime 'dë kedi kako ne, ame medɛ mugu lende mo ziye ne.

⁶ Römöyɛ ugu 'deni mi gɔ bi mɔto mi buku 'ba Bɔko'ba yayi, iya te, “Bilaka lesi mo ga lijë wa'di ga na yo 'dɔ ni Bɔko'ba komeri lende 'bënni, ki'di kɔ'ɔ röyɛ?

⁷ Tondo kileki tigo 'bënni ngɛ nge tötɛ titiyi di zi 'ba malayika ni? Tine ɔɔɔ ɔɔ löbu 'deni dönni ti lende koro mo,

⁸ ki'di lijë ɔɔ bo dɔ wa pili.”

Iya rönɛ 'deni bine tégë, “Bɔko'ba i'di bilaka lesi 'deni ɔɔ löbu 'ba dɔ wa pili,” kinza kola ma koto yaga. Ne ma giri nime dongo 'deni bilaka lesi inza ti közi kakpa dɔ ɔto pili na me nati.

⁹ Tine Yësu na do'ja 'deni kinda'ba ɔɔ löbu ni ti lende koro mo gɔ gomɔ nime bo kombi mi tölë abo ne. Tondo te yo na Bɔko'ba kileki bo ngɛ nge tötɛ titiyi di zi malayika ni ngɛ kinza tigo 'dɔ bo kölä goze bilaka pili.

10 Bo Boko'ba na ko'ba wa pili ki'di gbī kēdī koloma kō'bō mī gō bi mo ga. Kina ēdī ngī rō ma laka 'dō bo ki'di Yēsu kinda'ba rō löbu ma laka abo ti tombi gomō. Römōyī Yēsu omō kole ma konzi 'ba Boko'ba 'deni ko'de kako mī löbu abo.

11 Bo na ki'di ze 'deni rō ma kōpō rō bilaka 'ba Boko'ba. Kina me ze pili 'deni rō kole 'ba 'bu kōtō ti bo. Gō lende mo na tīdēkī ze rō löndō inza kaya rō bo.

12 Kōzō ame bo kiya te, “Boko'ba, ti miya lende 'ba löbu 'bī zi löndō ma ga. Ti mīlēlu yi mī kpa kototo 'bēnnī.”

13 Bo iya gbī te, “Ti mi'di dōma gō lende 'ba Boko'ba.” Kina bo kiya gbī te, “Ma na me bine ti kole ame ga Boko'ba ki'di 'deni zō ne.”

14 Tine kōzō ame ze kole mo ga nime rō bilaka lesi yida rōze te ti roma teyi ne, gō kō'du mo na me Yēsu kako 'deni rō bilaka lesi kōzō ze te 'dō bo kōlē gō bo kicaca dō tīgō 'ba Satani bō dō tōlē tōnē yaga

15 'dō kope ze yaga rō dō ngölō di mī loma tō'bō ṅburu rō atōli ze nime bine di zi tikere 'ba tōlē ne.

16 Dikali 'deni malayika na dē bo kokonyi. Römōyī ugu 'deni mī buku 'ba Boko'ba iya te, “Kupō Abarayama ga na bo kokonyi.”

17 Omba kina me ki'di 'dō bo kako gbī kōzō kīnē ze löndō bo ga te ne 'dō bo kēdī ti mī kēyī ti mī koṅmi to'dō ndōbō 'ba Boko'ba laka rō bō akumu ma löbu 'dō ki'di Boko'ba kola bilaka abo ga gō lende kēnyē.

18 Bo ti kō'bō tokonyi ma Satani kēdī kiyari naga 'deni ngī römōyī iyari gbagba bo 'deni gbī tara bine bo kombi gomō mo.

3

Yësu Ni Ti Musa

¹ Kina ti kpe löndö ma ga ame pili Boko'ba kidedeki ye 'deni ro 'ba bo ga ne, omerike lende 'ba Yësu nime Boko'ba koja 'deni zize ro bo akumu ma löbu dutike 'deni go lende mo ne.

² Ndobo ame Boko'ba ki'di bo teyi ne bo o'do 'deni laka kozo 'ba Musa ame ko'do lijo 'ba Boko'ba ne tara.

³ Tine ro löbu ma 'ba bo mbiri kebe 'ba Musa kozo ame ro löbu 'ba bo kubö rö na mbiri kebe 'ba rö mo ne tara.

⁴ Rö pili edi ti bo kubö mo ga teyi. Tine Boko'ba na ki'di wa pili mi dolijo nime.

⁵ Musa o'do ndobo 'deni laka kozo 'ba bo laja tara lijo 'ba Boko'ba bo kileme wa ma Boko'ba keddi kuwöwö kada moto.

⁶ Tine Kurisitö o'do ma 'ba bo 'deni laka kozo kole 'ba bo lijo ame bo na mbiri do lijo nima ne. Kina ze na ti dedike ngi mi lijo abo odo kiya te do'böke ngi ti mi keddi ti'di dze gomo ma deddi do'jake yeyi di zi Boko'ba.

Lömu 'Ba Boko'ba

⁷ Kina kozo ma tonë Nyi Koto Laka kiya te, "Mi kada nime tone odo kuwöke mugu bo Boko'ba kilende ziye

⁸ kinza kö'böke de ro minyi kozo 'ba 'bu ye löbu tonë ga bine kilagi Boko'ba di yi mökö kudöli bo ne.

⁹ Boko'ba iya 'deni te, 'Lijë o'ja wa ma mo'do zinni mi komo koo 'butë sowo pele tine lijë udöli ma 'biri.

10 Gɔ lende mo na yīmō kata rōnnī miya te, “Lijē uwō dɔma dē, lijē kō'bō ŋgī ŋburu rɔ tɔɔ yaga di mī kōri ma.”

11 Kina yīmō kata ŋgī mulōmu rɔ dōkī'dī kata miya te, “Lijē inza kɔɔ du te mī bi 'ba rɔ kindawo ma.” ’ ’ ”

12 Kina me ti löndö ma ga, ŋgɔke rɔye laka kinza nī mɔɔ kinda'ba dōkī'dī kōlu dē, ame kēdī ki'di yi nī mɔɔ kō'bō ŋgī kinza ki'di dōyī kpe gɔ lende 'ba Boko'ba kebe za kaŋgi mökō di rɔ Boko'ba bɔ didi ne.

13 Rɔ kɔmɔ löndö löbu nime pili ɔɔ kēddike gba mī kada mo tōnē Nyī Kɔɔ Laka kēdī kīdēki rɔ “Tɔne” ne, ɔ'bōke tɔɔ mī kēddi rɔ gɔ rɔye tō'bō mī kōri 'ba Boko'ba kinza lende kēnyē kɔɔ yi nī mɔɔ ra kɔwɔ yaga ki'di yi rɔ minyi.

14 Di bi tisaki mo di'dike dɔze 'deni ŋgī gɔ lende 'ba Boko'ba kinza a mɔɔ ma rɔ ma kilikō yīmo. Kina ɔɔ dō'bōke ŋgī nduwē tara rɔ ŋburuŋburu mo dēdike 'deni rɔ lēpi ma laka zi Kurisitō.

15 Lende nime iya rōnī 'deni te, “Mī kada nime tɔne ɔɔ kuwōke mugu bo Boko'ba kilende ziye, kinza kō'bōke dē rɔ minyi kɔɔ 'ba 'bu ye löbu tōnē ga bine kilagi lende 'ba Boko'ba ne.”

16 Tine yē mo ga na rɔ bɔ kuwō lende 'ba Boko'ba mo naga nime kebe kilagi ne ya? Lijē na rɔ ya ame ga pili Musa kokɔko koja yaga di Ezipeto ne.

17 Yē ga na mī Boko'ba kata rɔmo kɔmɔ kɔɔ mo 'butē sowɔ ne ya? Lijē bilaka kɔɔkɔɔ naga nime na. Gɔ lende kēnyē 'bēnnī na lijē kōlē ŋgī pili kote dōnnī yī mökō yayi.

18 Ne ame Boko'ba kulömu lijë kiya te, "Lijë inza kodo mi dayayi ma ame 'do mi'di lijë kindawo rönni di teyi ne," yë ga na bo kedi kiya? Lijë bilaka kotokoto naga nime na gbi römöyi lijë uwö do bo dë.

19 Kina me dikalike 'deni a ma kota lijë kinza ki'di lijë kodo dë mi yayi nima na ro tilagi ti'di dönni go lende 'ba Boko'ba.

4

1 Kina me Boko'ba kose 'deni zize bine te bo ti ki'di ze dodoke mi bi 'ba ro kindawo. Kina ti ongoke roye laka kinza ni moto kari kolo'bo 'beyi ra kori kinza ma kodo yimo.

2 Römöyi ze duwoke lende 'ba Boko'ba 'deni gbi kozo 'benni 'ba 'bu ze lobu tone ga. Tine tuwo mo nge tara okonyi lijë dë römöyi lijë i'di dönni dë gomo. Kina me lijë mo nime omö ga dë mi bi 'ba ro kindawo mo tone.

3 Ze ma di'dike doze go lende abo 'ba Boko'ba naga ze na domoke 'deni teyi, kozo ma bo kiya tone te, "Yimö ata rönni mulömu lijë te, 'Lijë inza kodo mi dayayi ma ame 'do mi'di lijë kindawo rönni di teyi ne.' " Tine bo ote ndobo abo ga 'deni pili mi kada 'ba to'ba doliho.

4 Römöyi ugu 'deni mi go bi moto mi buku 'ba Boko'ba yayi go kö'du 'ba tö'dö do modomoriyö iya te, "Mi tö'dö do modomoriyö Boko'ba indawo ro bo 'deni di pötö ndobo pili abo ga."

5 Kina me kileki kiya go lende 'ba ro kindawo nime 'bowu gbi te, "Lijë inza kodo mi dayayi ma ame 'do mi'di lijë kindawo rönni di teyi ne."

⁶ Lijë ma dogba mo naga nime kuwöwö lende naga nime zinni ne odo ga de du te mi go bi 'ba ro kindawo nima go lende kinza kuwö 'benni. Ola 'deni zi ya moto ga na 'do kodo teyi.

⁷ Kina me Boko'ba koza kada moto 'deni kideki moyi mo ro "Tone" ki'di Dawidi kilende gomo tone bine di potö komo koo konzi 'deni kiya te, "Mi kada nime tone odo kuwöke mugu bo Boko'ba kilende ziye, kinza kö'böke de ro minyi."

⁸ Ne ma kiya te Yesuwa kedii kokoko bilaka naga nima ra komo mi go bi 'ba ro kindawo mo nime देने Boko'ba inza kiya lende 'ba kada moto kpe.

⁹ Demba tine, go bi 'ba ro kindawo 'ba Boko'ba edii ebenni ka ro ma sari koda ma 'ba bo ga.

¹⁰ Bo ame kari 'deni kodo teyi ne ti kindawo roni ngi di potö ndobo pili kozo 'ba Boko'ba.

¹¹ Kina ti dogboke roze laka 'do domoke go bi nima tindawo roze kinza ni moto kebe koo ra yaga go lende kinza kuwö kozo 'ba 'bu ze lobu ga tone bine ne.

¹² Romoyi lende 'ba Boko'ba na ro didi kitigo kiteli kulu ma kapa ame kedii kirati bi ngi koke moro 'ba mi ti kpa domoso ni pili yaga ne. Bo ote go meri ti ako'doko 'ba mi doki'di bilaka 'doyi.

¹³ A moto inza di mi longgo wa naga nime bo ko'ba ne ro ma kusu di komo bo Boko'ba. Wa pili yaga bi kopo zi bo. Bo na ti kari kititi kpeze pili go ni moto kiyeti go ako'do 'bi.

Bo Akumu Ma Lobu

¹⁴ Ne kinza dolake go wa ame di'dike doze 'deni gomo ne de kpe. Romoyi le'jete dedike 'deni ti

bo akumu ma löbu ame kari 'deni ñbö mitoro zi Boko'ba, omba kina ro kole abo Yesu.

¹⁵ Bo bo akumu ma löbu 'beze inza ngi tara komeri a mato ro tikenme ze de. Tine dedike 'deni ti bo akumu ma löbu ame Satani kopi roni 'deni gomo kiyozo konya doni, ko'do a mato ro lende kenyä de ne.

¹⁶ Kina dakoke ti ro do ngolo koma bo Boko'ba 'do bo kongo lisa 'ba roze, ko'do mi keyi zize kokonyi ze mi kada mo ame odo komo 'deni doze.

5

¹ Bo akumu ma löbu pili igeli di mi longo bilaka lesi ki'di to'do ndobo 'ba Boko'ba go ya ma laki pili, to'de kpa kosi ti akumu tonma mo zi Boko'ba go lende kenyä 'benni ga.

² Lije gbi ro bilaka kinza tigo, tine lije ikali gbi tiliya roni zi ma rumo kolu 'deni kinza kikali a mato ro lende 'ba Boko'ba de naga.

³ Lije bo akumu ma löbu ni gbi ro bo lende kenyä kina lije kedi ko'de akumu gbi go lende kenyä ma 'benni ga koto ti 'ba bilaka ma laki.

⁴ Boto mato i'di roni de go doni ro bo akumu ma löbu. Boko'ba na kedi kideki wa mi ndobo nime kozo ame bo kideki Arona ne tara.

⁵ Kina gbi tara Kurisito na de ki'di ro bo mi löbu nime tedi ro bo akumu ma löbu. Tine Boko'ba na kiya zi bo te, "Ni na ro kole ma. Tone ma na 'deni ro 'bu yi."

⁶ Mi akugu mato gbi yayi bo iya te, "Ti ko'bo ro bo akumu ma ñburunburu kozo 'ba Malekisedeke."

7 Mī kada 'ba loma abo 'ba Kurīsītō mī dōlīṅṅo bine bo oma'jo rō bo 'deni zi Boko'ba rō ma kembe ti monṅ rōmōyī Boko'ba na kō'bo tōmṅ bo di mī tōlē. Akititi abo ga Boko'ba uwō 'deni ṅgī rōmōyī bo uwō dō Boko'ba.

8 Bo pele rō kole 'ba Boko'ba tine mī gomṅ nime na bo kikali ṅgī tuwō dō Boko'ba na tondo.

9 Kina ṅdṅ bo kikali 'deni laka tara tine bo na 'deni kileki yaga nati rō ṅgira'da 'ba tōmṅ di mī tōlē ma ṅburuṅburu zi ma kuwō dō bo naga.

10 Kina me Boko'ba kīdēkī bo 'deni rō bṅ akumu ma lōbu kōzṅ 'ba Malekisedeke.

Lende 'Ba Dṅ Koto

11 Mēdī ti lende ṅbaṅi 'dṅ tiya mo ziye gṅ kō'du nime tine a mo bi 'ba tīyētī mo ziye pele iṅaṅa ma 'deni rōmōyī kpe dṅye irīndī kulōwō.

12 Dēne a nime tōnē mṅlo bine ne kpe na 'deni le'jete kēddī kiyandike ya mṅtṅ ga 'bato. Ne 'bōwu o'dṅkoke gba 'dṅ bilaka na kiyandi ye ti bi tisaki 'ba lende 'ba Boko'ba nime. Kpe 'deni ṅgī ka rō kole kuru ame kikali tonyo a ma kitigṅ dē kēdī kulu ma 'bēnī gba rō mba ne.

13 Bṅ ame gba rō kole kuru kēdī kulu 'bēnī ṅge rō mba ne ikali a ma laka dē mī loma 'bēnī.

14 Tine akonyo ma kitigṅ ṅge zi bulōbu ame kinene dṅ wa naga nime 'deni 'doyi mī loma abo kikali ma laka ti ma kēnyē mo ne.

6

1 Kina ti, dolake dṅzṅli 'ba akiyandi 'ba Kurīsītō tōnē ga tōtī titi gṅze deseke te mbowa dṅgba mī 'ba bulōbu. Akiyandi ma dṅgba tōnē

kiya rōnī bine rō dō koto di mī lende ma yawa ti'di dō gō lende 'ba Boko'ba

² ti bapatisi ni ti kōzī ki'di 'ba yēyī mo ti tōdō 'ba tōku yaga di mī tōlē ti kada 'ba burē ma rō ḡburuḡburu ne minza kpe mileki miyandi gōmo teyi ziye.

³ Tine deseke mbowa dōgba. Kina odo Boko'ba ko'doko ḡḡi zize wa nime na ti do'doke.

⁴ Ne 'bēnnī lijē ame ga kebe koga kpēnnī 'deni gō Kurisītō ne kōri mōto inza kpe zinnī toto dōnnī timo. Rōmōyī pa tōnē bine lijē oloma 'deni mī bi kōpō 'ba Boko'ba. Kpa kōzimo ga lijē o'ja 'deni gbī, kodo Nyī Koto Laka dōnnī koto tize.

⁵ Lijē kikali laka 'ba lende 'ba Boko'ba 'deni gbī yaga ti tigo 'ba ḡere lōbu abo ame kēdī kako ne.

⁶ Tine pele te lijē ebe 'bōwu koga kpēnnī gōmo yaga rō dō domo. Kōri mōto inza kpe zinnī nati ma 'dō lijē koto dōnnī timo, lijē na 'deni kēdī rō tutōti kole 'ba Boko'ba kēdī kodo laḡa rōmo.

⁷ Ikalike 'deni, yayi ame kēdī kuwē mini 'ba tōrō ma kēdī ka'di koja akonyo zi bilaka ma korō'dō mo ga ne na ti yēyī di zi Boko'ba.

⁸ Ne yayi ame kebe koja ma 'bēnī rō kono ni ti wuru ne ḡḡi rō a yawa. Usōnō 'deni koḡma yaga ti pa'do.

⁹ Ne kpe lōndō ma ga ma mō'ō ye kulōwō naga nime, kōzo ame dēdī dugu wa naga nime pele kulōwō rō ma kata ziye te ne dikali ḡḡi kpe ēddi karike ti kōri ma laka ame rō 'ba tōmō di mī tōlē ne.

¹⁰ Burē ko'dō abo 'ba Boko'ba na rō ma kodōrō. Bo inza ki'di kōnyi 'be tōnē ko'doke zi bilaka abo

ga nduwë gba ko'ja kabate ne kudölu di do bo römöyï ileme ngi ɔ'oke bo.

¹¹ Ma diteri 'beze kulöwö ziye ni moto önyö ñburu gomo kɔɔ a nime te 'do kari ko'ja kpa közimo tönë ga këddi ti komo ki'di gomo ne ngi pili.

¹² Kinza ko'do tikëpi dë, oloma kɔɔ ya ma ki'di dönni 'deni go lende 'ba Boko'ba ti mi këddi naga tara ame lijë na ko'ja yëyi tönë Boko'ba kulömu molo ti'di mo 'deni ne.

Yëyi 'Ba Boko'ba

¹³ Mi kada nima Boko'ba kiya te bo ti ko'do yëyi zi Abarayama ne bo o'do lömu 'deni teyi. Tine a moto inza mbiri di do bo Boko'ba 'do bo kulömu ro bo timo. Go kö'du mo na bo kulömu ti möyi bo Boko'ba.

¹⁴ Bo iya te, “Ti mo'do yëyi ma laka ziyi. Kupö yi kara konzi.”

¹⁵ Tine Abarayama oloma ngi gomo kɔɔ liya ti mi këddi ñbö bo ko'ja yëyi nima Boko'ba kulömu zi bo ne.

¹⁶ Kina me ma 'beze 'ba bilaka ɔdo dëdi do'doke lömu möyi ame mbiri löbu di doze ne na debeke tulömu roze timo tote lende pili.

¹⁷ Kina Boko'ba kulömu ro bo gbi tara go wa ame ga bo kiya ne 'do lijë ame ga pili këdi ko'ja yëyi abo ne kikali ngi bo inza kpe kuyi mi lende abo.

¹⁸ Kina me 'deni yëyi 'ba Boko'ba ileme roni 'deni nati laka ti wa riyo, lende kiya ni ti lömu abo 'ba Boko'ba. Wa riyo naga nime beti inza yimo kina bo uyi yimo dë gbi. Kina me ze ma dirinake 'deni toma konyi di zi bo Boko'ba naga

oco mi keddä 'deni zize tö'bö ti kómo ki'di go yëyi nima.

¹⁹ Ze 'deni ti kómo ki'di go yëyi nime Boko'ba kiya te bo ëdi ki'di zize ne. Kómo ki'di ze gómo na 'deni ro lösi ame kosi didi ze rómo kinza darike ra kpe bito di ro bo Boko'ba. Kómo ki'di ze nime na kinda'ba ze 'deni ngi koto ze nbö gönyi böngö 'ba mi rö löbu 'ba Boko'ba tado mi bi ma koro kulöwö mo.

²⁰ Römöyi bö mato ari 'deni molo dogba komoze yayi. Omba bo na ro Yesu ame 'deni ro nburunburu ro bö akumu ma löbu kozo 'ba Malekisedeke ne.

7

Malekisedeke, Bö Akumu

¹ Malekisedeke nime na tönë molo bine ro nere 'ba Salema kina bo gbi ro bö akumu 'ba Boko'ba ma mitoro. Bo ari kurë do Abarayama ko'ja Abarayama kedä kileki di bi ta'da nere mato ga bo ko'do yëyi zi Abarayama.

² Kina Abarayama koza kapa ma 'butë 'ba wa ma bo kolo di mi ya nima ngi ki'di zi Malekisedeke. Möyi Malekisedeke nime 'jo mo tégë, "Nere 'ba lende laka." Kina bo gbi ro nere 'ba Salema ame kiya te, "Nere 'ba lende këyi."

³ Bo ngi kozo kole 'ba Boko'ba tara kö'bö ro bö akumu ro nburunburu. 'Bu bo ni ti ma bo lende mo iya röni de boto kuwö gbi ti 'ba 'bu bo löbu ga. Töyö bo ti töle abo boto ikali de gbi.

⁴ Ikalike 'deni Malekisedeke ro löbu ma do kiteli römöyi Abarayama yi lingi ze i'di kapa ma 'butë 'ba wa ma bo kolo di mi ya teyi.

⁵ Tine kupö e'be Lëwë ame ga 'deni rɔ bɔ akumu ne lijë na kö'du ki'di 'ba Musa kigeli 'deni 'dɔ kireke kapa ma 'butë 'ba wa di zi Yudayi lëpī nni ga. Kina ma lijë koloma rɔ tireke wa di zi bilaka ame ga ngi rɔ löndö lijë ga ne ko'ja lijë pili aa rɔ kupö kɔtɔ 'ba Abarayama nime.

⁶ Tine Malekisedeke ame kinza 'ba bo rɔ kupö e'be Lëwë ga ne ogba kapa ma 'butë 'ba wa di zi Abarayama, bo ko'dɔ yëyi zi Abarayama mo tönë Boko'ba kiya to'dɔ yëyi teyi ne.

⁷ Ne dikalike 'deni rɔ ma laka bɔ ko'dɔ yëyi na mbiri kebe bɔ ma ko'dɔ yëyi teyi.

⁸ Ne ma 'ba bɔ akumu ni lijë ame gbī rɔ yida 'ba tölë ne na kedi kireke wa di zi lëpī nni ga. Ma 'ba Malekisedeke mo tönë bo kogba kapa ma 'butë 'ba wa di zi Abarayama ne, ugu yayi iya te, bo ö'bö ngi rɔ nburunburu.

⁹ Tine ti kiya rönī te, kapa ma 'butë 'ba wa nima Abarayama ki'di ne lijë kupö e'be Lëwë ame ga rɔ bɔ akumu kedi kireke wa di zi bilaka ne kopi 'ba gbagba lijë ga gbī zi Malekisedeke.

¹⁰ Römöyi mi kada nima Abarayama kondɔɔ ti Malekisedeke ne öyö 'bu nni löbu Lëwë dë gba, tine Lëwë edi gba rɔ 'bö mi yida rɔ Abarayama.

Bɔ Akumu Mɔtɔ Gbī Kɔzɔ Malekisedeke

¹¹ Boko'ba i'di kö'du abo zinni Yudayi ti bɔ akumu naga nime di mi kupö lijë e'be Lëwë ne. Ne ma kiya te a mɔtɔ kɔmɔ dë gba mbowa yaga di mi ndɔbɔ 'benni lijë bɔ akumu naga nime dëne Boko'ba inza koja bɔ akumu mɔtɔ kpe 'beri di gɔ dɔtumu ma 'ba Arona ni e'be Lëwë mo naga nima. Ne onɔ bo oja kako kɔzɔ Malekisedeke.

12 Kina me dikalike 'deni kɔzɔ ame koja bo akumu ma la'ja 'deni ne omba kö'du ki'di ma la'ja ako 'deni gbì.

13 Römöyì ɲere ze mo nime kugu lende naga nime gɔ kö'du mo ne, bo abo di mi dɔ kupö mɔto 'beri. Kupö lijè inza mɔlo rɔ bo akumu.

14 Ikali 'deni pili laka bo di mi kupö e'be Yuda. Dɔ kupö nime tönè mi ti'di bo akumu ni bine ne Musa iya möyì mo dè.

15 Kina me kowasa tönè ikala rönì 'deni laka mo kinda yaga gɔ ame bo akumu ma kɔzɔ Malekisedeke mo tönè kako 'deni ne.

16 I'di bo dè rɔ bo akumu gɔ dɔ kupö bo tine gɔ tigo 'ba didì abo ame kote rönì dè ne.

17 Römöyì ugu 'deni iya te, “Ti kö'bö rɔ bo akumu ma ɲburunburu kɔzɔ 'ba Malekisedeke.”

18 Kö'du ki'di ma mɔlo tönè inza ti tigo kina me kiyese 'deni yaga.

19 Römöyì kö'du ki'di ma mɔlo 'ba Musa mo nime ileɲo ɔto dè. Tine na me Boko'ba ki'di a ma laka 'deni zize ti'di kɔmɔze gɔmo ame kina ko'de ze 'deni ɲɔsi 'de rɔ Boko'ba ne.

20 Kina a mɔto èdì 'deni gbì bine rɔ lömu 'ba Boko'ba. Lömu ma te inza mi ti'di lijè bo akumu ma laki naga nima tönè bine ne.

21 Tine i'di Yèsu 'deni rɔ bo akumu ti lömu ame kulömu kiya te, “Ma ɲere Boko'ba mo'dɔ lömu ma 'deni kina minza kpe muyì yimo. Ti kö'bö rɔ bo akumu ma ɲburunburu.”

22 Na me lömu ame Boko'ba ko'dɔ 'deni tize gɔ Yèsu ne ebe ma tönè bo ko'dɔ ti ya ma dɔgba tönè ga bine ne 'deni.

²³ Kina mɔto gbɛ lɛjɛ bɔ akumu ma tɔnɛ ga bine ne nɔgɛ nɔbanɔ rɔmɔyɛ mɔto ga ɔ'bɔ tɔlɛ nɔgɛ nduwɛ koto gɔ ndɔbɔ mo dɛ kɔwɔ yɔ.

²⁴ Ne ma 'ba Yɛsu bo ɔ'bɔ nɔgɛ rɔ nɔburunɔburu, bo olɔlɔ ndɔbɔ pɔtɔ bo dɛ ki'di zi bɔto mɔto.

²⁵ Kina me bo ɔ'bɔ 'deni nɔgɛ ndɔ 'dɔ tɔmɔ ame ga pili kako 'deni zi Bɔko'ba gɔ kɔ'du abo ne. Bo oloma 'deni nɔgɛ kɔ'bɔ nɔburu tititi Bɔko'ba gɔnnɛ.

²⁶ Tine Yɛsu na 'ba bo rɔ bɔ akumu ma lɔbu ame kɔ'bɔ nɔgɛ 'dɔ tokɔnyi ze mɛ kɔto yaga. Rɔmɔyɛ bo na kɔto laka a mɔto rɔ lende kirasi inza mɛ bo. Loma abo 'beri di gɔ ma 'beze, ze bo lende kɛnyɛ ni. Kina me koja bo 'deni di mɛ tɔlɛ kari koloma mɛtɔrɔ.

²⁷ Bɔ akumu ma lɔbu ma laki pili ɔ'bɔ tumu akumu rɔ kɔmɔ lɛndɔ zi Bɔko'ba. Akumu ma dɔgba mo gɔ lende kɛnyɛ ma 'ba gɔgba lɛjɛ ga tine ma di gɔmo na 'jaa gɔ lende kɛnyɛ 'ba bilaka ma laki. Ne ma 'ba Yɛsu inza mɛ rɛyɔ tara. Bo umu akumu ma 'ba bo nɔge mɛ kɔto nɔburu rɔ yida rɔ bo gɔ lende kɛnyɛ 'ba bilaka pili.

²⁸ Kɔ'du ki'di ma 'ba Musa tɔnɛ i'di ma kinza tigo naga nɔgɛ rɔ bɔ akumu ma lɔbu. Tine ma di pɔtɔ mo na Bɔko'ba kɔ'dɔ kole abo nɔgɛ rɔ bɔ akumu ma lɔbu ti lɔmu. Bo na koja kole abo ame nɔgɛ mɛ kɔto rɔ ma laka rɔ nɔburunɔburu ne.

8

Yɛsu, Bɔ Akumu Ma Lɔbu

¹ Ame na rɔ 'jɔ 'ba wa ame ga pili mɛdɛ miya ziye ne. Ze le'jete dɛdɛke 'deni ti bɔ akumu ma lɔbu ame kari 'deni koloma mɛtɔrɔ dɔ dɔrɛ Bɔko'ba tigo dɔ kiteli.

² Bo na rɔ Yēsu. Bo ēdī ko'dɔ ndɔbɔ ma 'ba bo mī rɔ ame mo ŋgī ko rɔ 'ba Bɔko'ba ne. Nere Bɔko'ba na ko kubɔ abo, inza rɔ ma ko'dɔ 'ba bilaka lesi.

³ Bɔ akumu ma löbu pili i'di lijē 'dɔ ko'de akumu ti kpa közimo ga zi Bɔko'ba. Kina me dikalike 'deni bo bɔ akumu ma löbu ma 'beze ēdī gbī ti a mɔtɔ ti'di mo zi Bɔko'ba.

⁴ Ma bo kēdī koloma ra kö'bö mī dɔlɔŋɔ bine dēne bo inza rɔ bɔ akumu römöyī bɔ akumu mɔtɔ ga ēdī 'deni gbī molo bine, ame kēdī ko'de kpa közi ki'di zi Bɔko'ba kɔzɔ ma kö'du ki'di mo kiya ne.

⁵ Tine ndɔbɔ ma 'bēnnī 'ba bɔ akumu ame ga bine ne dɔ mbēlī 'ba ame 'dē mītɔrɔ ne na ka kɔzɔ 'ba Musa tönē ne. Mī kada nima 'dɔ Musa ko'dɔ rɔ kilaka zi Bɔko'ba ne, Bɔko'ba iya zi bo te, “Ōŋgɔ laka 'dɔ ko'dɔ kɔzɔ wa ma tönē mileme zīyī di dɔ doku bine ne.”

⁶ Tine ma 'ba Yēsu ndɔbɔ 'ba bɔ akumu nime ki'di zi bo ne na mbiri rɔ dɔ kiteli di dɔ 'ba bɔ akumu mɔtɔ ga nima gbī kɔzɔ ame lömu 'ba Bɔko'ba ame bo ko'dɔ zize na kulöwö mbiri di dɔ ma tönē 'ba Musa ne tara. Römöyī ɔrɔ 'deni pili dɔ yēyī dɔ kiteli ma 'dɔ Bɔko'ba ko'dɔ zize.

⁷ Ne ma kiya te a mɔtɔ kɔmɔ dē mbowa di mī lömu ma dɔgba nima bo ti ko'de ma la'ja nime gbī 'böwu gɔ wa'di?

⁸ Tine nere Bɔko'ba o'ja lende ma kɔmɔ di zīnnī lijē bilaka abo ga na ma 'dɔ ki'di bo kiya lende rōnnī te, “Kada mo ti kömö 'deni ame gɔ mo'dɔ lömu ma, ma la'ja tīnnī lijē bilaka ma ga Yisarele gbī ti e'be Yuda.

⁹ Tine ame inza kɔzɔ lömu ma tönë mo'dɔ bine ti 'bu nnì löbu ga ne, mī kada ma minda'ba közinnì moja lijë yaga di Ezipeto. Lömu ma ame mo'dɔ tinnì ne lijë ebe kɔrɔ dë dɔmo na milagi lende 'bënnì ngī yaga.

¹⁰ Tine lömu mo tönë 'dɔ mo'dɔ tinnì lijë Yisarele kada mɔtɔ ne na me. Ti mi'di kö'du ki'di ma kɔdɔ dönnì koloma mī dōkī'dī lijë. Ti mēdī rɔ Boko'ba 'bënnì kina lijë ti kēdī rɔ 'bama ga.

¹¹ Bɔtɔ mɔtɔ inza kiyandi löndö ala lēpī nī mɔtɔ kpe 'dɔ tikali ma Boko'ba. Römöyī lijë pili rɔ gönnì, ma titi ti ma löbu pili rɔ gɔmo ti kikali ma ngī.

¹² Kina ti mola lijë gɔ lende kënyë 'bënnì ga dɔma kudölu yaga di gɔ lende kirasi 'bënnì ga pili.”

¹³ Mī lende kiya 'ba Boko'ba gɔ lömu ma la'ja nime bine i'di lömu ma dɔgba tönë ngī kindā yaga rɔ ma molo. Kina me wa ame 'deni yaga rɔ ma molo köndë 'deni ne ëdī kölu ngī yaga.

9

Bɔ Akumu Ni Ti Rö Löbu

¹ Lömu ma dɔgba tönë ga bine ëdī gbī ti kö'du ki'di mo ga 'ba mötu ko'dɔ ti rö mo ma bilaka kubö teyi.

² Rö kilaka ma tönë mo ko'dɔ ne oke yīmo 'deni riyö kɔzɔ a nime te. Mī ma yaga mo ame kīdēkī rɔ bi ma koro mo ne na ti a 'ba tidëyī lamba mo ti tarabiza 'ba maᅅgolɔ'bo ma kēdī ki'di zi Boko'ba mo teyi.

³ Tine mī ama kebe gɔ bɔᅅgɔ ma mīyö mo nima yayi ne na kīdēkī rɔ bi ma koro rɔ dɔ kiteli mo.

⁴ Kina ti bi 'ba toŋma akumu ma di mī yamo köbököbö mo tönē teyi toŋma akato kele dōmo. Kina ti sandu 'ba lömu mo tönē komba rōmo ti yamo köbököbö ne teyi. Sandu nime na ti lere riyō mo tönē ga kugu lömu mo dōmo ne yīmo gbī ti pērī 'ba Arona mo tönē kebe kunzī 'deni ne ti kete 'ba akīdēkī rō mani mo tönē gbī di mī yamo köbököbö ne yīmo.

⁵ Dō sandu mo nima tōrō na kīdēyī sasa riyō mo tönē ga kileme bi loma 'ba Bōko'ba ne teyi kakala mo ga kutu'bō gō bi ame bo kēdī kola wa gō lende kēnyē di teyi ne. Tine ame kada 'ba tūyētī gō wa naga nime rokpe na dē.

⁶ Kina kiyija wa naga nime pili tara. Kina bō akumu ni kēdī kari nduwē rō kōmō lēndō mī rō ma yaga mo nima to'dō ndōbō 'bēnnī mo ga.

⁷ Tine bō akumu ma löbu mo na ŋge kēdī kōdō mī rō ma mīyō mo nima mī kōtō kpōkī mī kōmō kōō kōtō. Tōdō abo yayi ŋge ti roma ame bo kumu 'deni gbī gō lende kēnyē ma 'ba bo ti 'ba bilaka ma laki ame lijē ko'dō ra liwo yayi kinza ma lijē kikali gōmo ne.

⁸ Tine timo na Nyī Kōtō Laka kiya 'deni yaga bi kōpō te, kpadōrī 'ba bi loma 'ba Bōko'ba gba urōgō dē yaga odo rō ma yaga nime kēdī gba kōrō tōrō.

⁹ Ēdī 'deni gbī rō akileme zize mī kada ma 'beze nime. Rōmōyī kpa kōzī ki'di ni ti roma ma kumu naga nime o'bo dē turōgō mī dōkī'dī kōpō.

¹⁰ Tine lijē ka ŋge rō a 'ba yida rō kōzō akonyo ni ma ti akuwē ti dōlētī 'ba kōzī kurōgō. Wa naga nime pili rō dōlētī zi bilaka tōrō tōtī gōmo ŋbō Bōko'ba ko'dō wa pili rō ma la'ja.

Roma Ti Akumu

¹¹ Tine Kurisitö ako 'deni rɔ bo akumu ma löbu nati to'do lende laka zize. Rö ma 'ba bo ame bo koja laja yimo ne na mbiri löbu rɔ do kiteli. Bilaka lesi na de kubö ti közinni, inza gbi rɔ wa 'ba doliŋo nime.

¹² Kina me bo kari kɔdo 'deni mi bi ma koro rɔ do kiteli mo tönë nburu mi koto. Bo odo ma 'ba bo de ti roma banya ala roma sa. Tine bo odo ti roma 'ba gbagba bo tutë goze pili timo nburu di mi lende kënyë ze ga.

¹³ Bo akumu ma 'ba doliŋo nime uli 'bënni rɔ roma banya ni ti roma sa ti buruku 'ba kole sa ame koŋma 'deni ne rɔ bilaka ame ga rɔ ti'da di kɔmo Boko'ba ne turögö mo yaga rɔ ma kɔpo.

¹⁴ Ne odo kedï 'deni tara roma Kurisitö ame kulöwö rɔ do kiteli di domo ne ti kurögö doki'di ze ngi kɔpo yaga 'doyi. Römöyi Nyi Koto Laka abo na rɔ nburunburu ki'di bo 'deni rɔ akumu ma laka zi Boko'ba goze. Roma bo ti kurögö doki'di ze ngi di mi lende yawa 'do dojake laja zi bo Boko'ba bo do didi.

¹⁵ Kina me bo Kurisitö na 'deni rɔ bo kperi ame ko'de lömu ma la'ja 'deni 'do ame ga Boko'ba kedï kideki ne ko'ja yeyi ma nburunburu mo tönë Boko'ba ki'di kö'du mo 'deni molo ne. Römöyi tolë 'ba Kurisitö utë gönni 'deni di mi lende kënyë ma molo tönë ga lijë ko'do ko'ja lijë kedï gba bici lömu ma molo bine ne.

¹⁶ Kina kɔzo ame kɔro 'deni do ndose 'ba 'do to'do mo di poto mo ne ti ko'do roni ngi 'jaa di poto tolë.

¹⁷ Römöyi odo bo bo kose mo kedï gba ti kɔmo bo tara inza ko'do roni titi tine 'jaa di poto tolë

abo.

¹⁸ Kina me ki'di 'dɔ lömu ma dɔgba tönë ko'do 'bëni rönï 'deni ti roma.

¹⁹ Dɔgba mo tönë Musa iyëtï kö'du ki'di 'ba Boko'ba 'deni pili zi bilaka. Bo ogba roma sa kudölö yïmo ti mini, bo kogba kuyu kudödu ti kabi kasi kusu yïmo kulï rɔ buku 'ba lömu gbï rɔ bilaka naga nima.

²⁰ Kina bo kiya te, “Ame na rɔ roma ma kudödu lömu 'ba Boko'ba ame bo ki'di 'deni zize tuwö dɔmo.”

²¹ Kina bo kulï roma gbï tara rɔ rö mo tönë ti jama mo ga pili.

²² Mï kö'du ki'di nima wa pili ti kädï nge rɔ ma kɔpɔ ti roma. Kina ti kola wa gbï nge gɔ lende kënyë ɔdo kiya te roma kulöwu 'deni titi du bërï.

²³ Wa naga nime pili rɔ dɔ mbëlï 'ba wa 'ba mï dɔyayi 'ba mïtɔrɔ. Tine tilenɔ lijë gɔ kädï rɔ ma kɔpɔ kɔmɔ Boko'ba na pili te. Ne ma laka mo nime rɔ 'ba dɔyayi 'ba mïtɔrɔ ne o'dɔkɔ rɔ akumu ma laka.

²⁴ Römöyï bi ma koro mo nima Kurisitö kɔdɔ teyi ne inza rɔ ame bilaka lesi na ko'do ti közinni nge ka rɔ dɔ mbëlï mo ne. Bo ɔdo ma 'ba bo 'deni ko mïtɔrɔ bo kɔrɔ 'deni le'jete kɔmɔ Boko'ba tilende ti bo gɔ lende ze.

²⁵ Bo akumu ma löbu ni ö'bö ma 'bënnï tɔdɔ mï bi ma koro rɔ dɔ kiteli 'bënnï mo nima rɔ kɔmɔ kɔɔ pili ti roma yërï ame kumu ra ne. Tine Kurisitö ö'bö ma 'ba bo dë tɔdɔ ti'di roma abo mï konzi kɔzɔ a nima tara.

²⁶ Ma kiya te kädï ra tara dëne bo ödï kisasi tombi gɔmo molo di bi tisaki 'ba dɔlinɔ. Ne kina me 'deni le'jete mï kada ame 'deni rɔ

ɲburuɲburu mo ne na bo kako 'deni ti'di ro bo ro akumu mi koto ɲburu tombi lende kɛnyɛ 'ba bilaka.

²⁷ Bilaka nime pili, ni moto eddi kole nge mi koto. Di pototo mo na ngi ro bure 'bi ma Boko'ba keddi ko'do.

²⁸ Kina gbi tara umu Kurisitö 'deni nge mi koto ro akumu tombi lende kɛnyɛ 'ba bilaka konzi nime pili. Kina bo ti koto 'bowu di gomo tine inza kpe 'do tombi lende kɛnyɛ, tine 'deni 'do tomo ame ga pili ti koma ki'di go bo ne di mi tole.

10

Kö'du Ki'di 'Ba Musa

¹ Demba kö'du ki'di 'ba Musa nima ka ro do mbeli 'ba wa ame Boko'ba keddi kiteri to'do mo ne. Inza ro ma laka mo. Kina me akumu mo ga obö ngi ro to'do mo nduwë ro koma koo. Tine akumu mo nima ti kurögö bilaka tondo ro ma koro koma Boko'ba?

² Ne ma kiya te keddi kurögö lijë mo ra ngi yaga koro di mi lende kɛnyɛ 'benni mo ga dene lijë inza komeri ronnï kpe ro bo lende kɛnyɛ. Dë me pele kpa akumu oke roni 'deni gbi.

³ Tumu akumu nduwë ro koma koo nime laka mo na ro ti'di bilaka tomeri go lende kɛnyɛ ko'do 'benni ga.

⁴ Römöyï roma banya ni ti sa obö dë tombi lende kɛnyɛ.

⁵ Go kö'du mo na me 'do mi kada ma bo Kurisitö keddi ko'do 'deni tako dolinjo bine bo kiya zi Boko'ba te, "O'doko a moto ro akumu ni ti kpa közi ki'di dë. Tine ilejo yida ro 'deni zö.

6 Inza ti mi këyi go akumu ma koŋma pili gbï ti 'ba tombi lende kënyë.

7 Kina me miya te, 'Boko'ba, ma na me bine to'do ako'doko 'bi kozo ame kugu roni 'deni tara ne go lende ma mi buku 'bi.' "

8 Dogba mo Kurisitö iya 'deni te, "O'doko a moto ro kpa közi ti akumu ala koŋma ti ame ga 'ba go lende kënyë ne de. Inza e'bi ti mi këyi gomo." Tine pele wa naga nime pili kedï ko'do ne do di mi kö'du ki'di.

9 Kina me bo kiya te, "Boko'ba, ma na me bine to'do ako'doko 'bi." Di bine inda ngi bo oke kpa akumu ma molo tonë ga 'deni yaga 'do to'do ako'doko 'ba Boko'ba na kinda'ba potö mo ti 'bato.

10 Go ako'doko abo 'ba Boko'ba nime tumu Yesu Kurisitö urögö ze pili 'deni ngi yaga ro ma kopo nati nburu mi koto ngi.

11 Bo akumu ni ö'bö ma 'benni tari ro komo lendö toro mi rö löbu 'ba Boko'ba to'do ndobo mo, ame kina ro tumu roma ne nduwë zi Boko'ba. Tine 'do kombi lende kënyë oto ngi ne inza du te.

12 Ne tine Kurisitö i'di 'ba bo ro bo 'deni mi koto kombi lende kënyë nburu yaga, bo kari koloma 'deni toro do dori Boko'ba.

13 Bo oloma 'deni toda domo ma Boko'ba kedï ki'di bo ka'da bo ya abo ga.

14 Tumu bo Kurisitö nime nge 'deni mi koto ne urögö ya ma ro 'ba Boko'ba naga 'deni ngi ro ma kopo nburu yaga di mi lende kënyë.

15 Kina kozo ma tonë Nyi Koto Laka kiya zize bine, dogba mo bo iya te,

16 “Nere Boko'ba iya te, 'Lömu ma mo tönë 'do mo'do tinni kada moto ne na me. Ti mi'di kö'du ki'di ma kodo dönñi koloma mi doki'di nni.' ”

17 Kina moto gbì bo iya te, “Ti mi'di doma kudölu yaga di go lende kënyë gbì ti lende kirasi 'bënni ga pili.”

18 Ne odo kina Boko'ba kola ze 'deni go lende kënyë kozo a nime te tine a moto ro akumu tombi lende kënyë inza kpe nati.

Tömö Zi Boko'ba

19 Kina me ti löndö ma ga, roma Kurisitö i'di do ngölö 'deni zize tari zi Boko'ba.

20 Bo unyë kpa kori ma la'ja 'ba didi 'deni zize nbö kala gönyï bongo koro 'ba mi rö löbu 'ba Boko'ba mo tönë ti ti'di yida ro bo.

21 Dëdike 'deni gbì ti bo akumu ma löbu ame mbiri ro bo doze mi lijo 'ba Boko'ba.

22 Kina i'di dakoke ti ngosi ro Boko'ba ti doki'di koto ti ti'di doze go lende abo. Doki'di ze 'deni yaga ro ma kopo, urögö roze 'deni ti mini ma kopo.

23 Kina ti, dönyöke ti nduwë go ti'di doze go lende laka nime duwöwöke ne. Römöyï Boko'ba ame kiya 'do ti'di wa naga nime pili zize ne lende abo bo uyï yimo dë.

24 Kina i'di dolomake ti, ti meri 'ba lepï ze ga 'do do'oke roze do'doke lende laka ro go roze.

25 Kinza dolake go kpa kototo ze ga dë gbì kozo ma 'ba ya moto ga. Tine zize 'do toco mo nduwë zi lepï ze ga na laka. Römöyï kozo ma kongoke kada 'ba burë mo tönë na me kömö ë'bëni 'deni ngosi.

26 Ze ame ga dikalike lende 'ba Boko'ba 'deni ne ɔdo debe diterike 'böwu to'do lende kënyë rɔ do domo, a mɔto rɔ akumu inza kpe nati ngi lipo go lende kirasi ze ga.

27 A mɔto inza kpe nati zize tine 'deni nge ngi rɔ toda do karama 'ba pa'do löbu 'ba Boko'ba gbo ngi ti tikere ame kedï kako 'deni tonjma bo kilagi lende abo ga ne.

28 Onjoke 'deni botɔ ame kilagi kö'du ki'di 'ba Musa ne 'ba bo ngi rɔ tolë, a mɔto rɔ mi këyi inza kpe rɔ bo ɔdo bo kodoro bicï lende rɔ bo kedï 'deni riyö ala mota.

29 Ne bo ame kopoto ma 'ba bo Kurisitö kole 'ba Boko'ba ne 'ba bo ti kedï tondo nati yayi? Lijë bo kindiri roma Kurisitö ame kina ngi kurögö lijë 'deni yaga rɔ ma korɔ lömu 'ba Boko'ba korɔ 'deni domo ne kina gbi tinni lijë bo kiti'ja Nyi Koto Laka ame kina ngi ko'de yeyi ra zinni naga nima 'benni ti kedï tondo?

30 Dikalike 'deni bo bo kiya te, "Ma na ti mopi dokolo. Monda nima ma na ti mileki domo," tonë bo na me gbi kiya te, "Nere Boko'ba ti ko'do bure 'ba bilaka abo ga."

31 Tine tikere 'ba kinza tila'ba mi komo közi Boko'ba bo didi na 'do di'dike kedï kulöwö.

32 Omerike go kada ma dogba tonë ga bi korɔ 'ba Boko'ba koyi ye ne te. Mi kada nima ombike gomo 'deni rɔ ma kënyë tine a'da ye de yo.

33 Mɔto ga kiti'ja ye komo bilaka ma konzi ko'do ye rɔ ma kënyë, kënyi kodoboke roye ngi ti ya mɔto ga ame kedï ko'do gbi tara ne.

34 Ombike gomo koto ti ya ame ga mi maboso ne. Kina ɔdo kolo e'be ga pele kpe ngi le ti mi

këyi, ikalike 'deni ma këddike ti a moto ame ro
 ɲburunburu ne.

³⁵ Kina me kinza kebe kolo'bake de 'do ko'jake
 bi gomo 'ba roye.

³⁶ Ogbake dokidi ye kitigo to'do ako'doko 'ba
 Boko'ba kina ti ko'jake yeyi abo ame bo keddi
 ko'do ne ngi.

³⁷ Kozo ame tone mi akugu kiya te, "Nge
 mbowa te yo na bo ma ko'doko tako mo tone ti
 komo ngi. Bo inza kigabi.

³⁸ Kina bo lende laka ma ga ti kididi ngi go
 ti'di donni go lende ma. Ne doo moto kileki koga
 kpenni goma yimo inza keyi kpe romo."

³⁹ Dinzake kpe ro bilaka ame 'do kileki 'bowu
 koga kpenni go bo kebe kolu yaga ne. Di'dike
 doze 'deni go lende abo kina bo ti komo ze ngi
 yaga di mi tole.

11

Meri

¹ Ti'di do go lende 'ba Boko'ba na ro tikali wa
 ame ga dedike ti komo ki'di gomo ne, kina tikali
 mo gbi wa ame ga gba kinza ko'ja kine mo de ne
 edi ngi ro ma laka.

² Go kodu 'ba ti'di do go lende 'ba Boko'ba na
 ki'di bo Boko'ba ngi ti mi keyi ro 'bu ze lobu ga
 ma tone bine ne.

³ Ti'di do go lende 'ba Boko'ba na me ki'di 'do
 dikalike Boko'ba na ko'ba wa pili naga nime ti
 lende 'ba kpa bo. Wa ame ga kinza ko'ja kine
 mo de ne bo o'do kinda yaga ko'ja ti komo.

⁴ Ti'di do go lende 'ba Boko'ba na ki'di Abele
 ko'de kpa kosi ki'di ma laka zi Boko'ba kebe 'ba

Kayina. Kina Boko'ba ngi ti mi keyi go kpa kazi ki'di abo kongo bo ro bo lende laka. Ti'di do go lende 'ba Boko'ba na me ki'di lende 'ba Abele kedii gba kiyandi ze ko'ja bo kole abo 'deni molo.

⁵ Ti'di do go lende 'ba Boko'ba na ki'di tole kupo Enoka de tine kogba bo tara ro ma kididi kari toro zi Boko'ba, kine bo kinda de kpe mi dayayi bine. Romoyi mi akugu yayi iya te gba kinza kogba bo de Boko'ba edi ti mi keyi ro bo.

⁶ Tine bototo mototo o'bo de ma 'do kiyeyi doki'di Boko'ba ngi tara kinza ma bo mo ki'di doni go lende 'ba Boko'ba. Romoyi bo ame kedii kumotu bo Boko'ba o'doko ki'di doni ngi gomo ro ma laka Boko'ba edi kina ti ki'di bi gomo 'ba romo ngi.

⁷ Ti'di do go lende 'ba Boko'ba na ki'di 'do Nowa kuwo ma Boko'ba kose kpa bilaka 'deni ti wa ame gba ro ma koro bo ko'ja kine mo de ne, ki'di bo ko'do sorope lobu tomo ronni yimo ti bilaka abo ga. Ti'di do abo 'ba Nowa na kileme ma laki ngi pili ro bo lende kenyi kina ki'di Boko'ba kongo bo ro bo lende laka.

⁸ Ti'di do go lende 'ba Boko'ba na ki'di Abarayama kuwo do Boko'ba kenyi di mi dayayi 'beni kari mi go bi ame 'do Boko'ba kari ki'di 'jaa zi bo ro yayi abo ne. Bo enyi ngi di mi dayayi 'beni bo kari kinza ma bo kikali bi ma bo kedii kari teyi mo.

⁹ Go ti'di do go lende 'ba Boko'ba Abarayama oloma 'deni mi ro kilaka koro bo lowo mi yayi nima Boko'ba kiya 'deni ti'di mo zi bo ne. Yisika ni ti Yakoba oloma 'deni gbi yayi tara koro bo lowo ko'ja Boko'ba kiya ra ngi te yayi nima ti kedii ro e'beni.

10 Römöyī Abarayama ēdī ti kōmō ki'di gō toloma mī gawo ame bō kiteri mo ti bō kubō mo na rō ɲere Bōko'ba ne gō kō'bō ɲgī ɲburu gō bi mo.

11 Ti'di dō gō lende 'ba Bōko'ba na ki'di Abarayama kebe kōyō kole ko'ja Sara kōrō ra pa tara rō kōtō bo kōndē abo 'deni kote. Bo omeri ɲgī wa ame Bōko'ba kose 'deni zīnnī ne ti ko'dō rōnī ɲgī rō ma laka.

12 Gō lende mo na me Abarayama kōtō kpōkī mo tōnē kōndē 'deni yaga rō tōku ne kupō mo kēnyī kara ɲgī konzi kōzō kēlu 'ba mītōrō ni ti yayi lida 'ba kpa mini lōbu ame bōtō kō'bō dē tītētē mo ne tara.

13 Lijē bilaka naga nime ölē ga 'deni pili mī meri 'bēnnī mī ti'di dōnnī gō lende 'ba Bōko'ba gba kinza ma lijē ko'ja yēyī lōbu mo tōnē Bōko'ba kiteri 'deni 'dō ti'di mo zi bilaka abo ga ne. Tine lijē o'ja 'deni ɲge tara rō ma kōwō na lijē ɲgī ti mī kēyī gōmo. Rōnnī aya dē di bi tīdēkī lijē rō bō lōwō mī loma 'bēnnī mī dōyayi nime bine

14 ame kinda ɲgī lijē ēdī toma yayi mōtō ame gō kēdī zīnnī rō ē'bēnnī ne.

15 Dōyayi ame lijē kola 'deni gōnnī ne na dē kpe lijē kēdī komeri. Ma kiya te na lijē kēdī komeri lende mo ra dēne lijē ti kēnyī kuyī dōnnī kileki kari teyi.

16 Tine lijē o'dōkō dōyayi ma laka ame kina rō dōyayi 'ba mītōrō ne. Kina rō Bōko'ba aya dē gbī di zīnnī gō ame lijē kēdī kīdēkī bo rō Bōko'ba 'bēnnī ne rōmōyī bo ileṅo gawo 'deni zīnnī koda lijē.

17-18 Ti'di dō gō lende 'ba Bōko'ba na ki'di

Abarayama ko'de Yisika tonjma mo ro akumu zi Boko'ba. Boko'ba iya 'deni molo zi bo te, "Ti Yisika na ti mi'di yi keddi ro 'bu lobu zi ma konzi." Tine pele tara odo Boko'ba kenyi kiyozo meri abo bo ilagi de di bi to'de kole koto kpoki abo nima ro akumu zi Boko'ba.

¹⁹ Bo iyeni ngi Boko'ba ti ko'bo toja Yisika yaga di mi tole. Kina me kozo donjala mo ngi tara Boko'ba oja Yisika 'deni yaga zi bo di mi tole.

²⁰ Ti'di do go lende 'ba Boko'ba na me ki'di Yisika kose go yeyi ame ga Boko'ba kedi ko'do zi kole abo ga Yakoba ni ti Esawu kada moto ne.

²¹ Ti'di do go lende 'ba Boko'ba na ki'di Yakoba ko'do yeyi do kole riyö 'ba Yesepa ga mi kada 'ba tole abo. Bo enyi 'deni kogbo ro bo ti peri abo bo kumotu Boko'ba.

²² Ti'di do go lende 'ba Boko'ba na ki'di Yesepa odo bo ko'bo tole 'deni kiya todo 'ba Yisarele di Ezipeto bo kose zinni 'do lijje kombi kilinba bo kari timo.

²³ Ti'di do go lende 'ba Boko'ba na ki'di 'bu 'ba Musa ni ti ma bo kusu do bo nbö nyepe mo mota mi kada ma koyö bo ne. Lijje ongo bo ro kole ma kele kina ngi i'di lijje kere ronni de kpe di zi lende 'ba bo dolingo.

²⁴ Ti'di do go lende 'ba Boko'ba na ki'di Musa kilagi kinza kideki bo de ro kole 'ba nyiti 'ba bo dolingo 'ba Ezipeto nima ko'ja bo kiyöbu 'deni yaga ne.

²⁵ Bo oza abo ro tombi gomo ti bilaka 'ba Boko'ba di do ame 'do bo koloma nge mbowa ro lingo mi lende kenyä.

26 Bo omeri 'deni ngi tombi gomo 'ba ti'ja kozo 'ba Kurisitö ame Boko'ba kedi koja ne na laka di do mori mbembë 'ba mi doyyayi 'ba Ezipeto. Römöyi bo edi ti komo ki'di 'do to'ja bi gomo 'ba ro bo di zi Boko'ba.

27 Ti'di do go lende 'ba Boko'ba na ki'di Musa kényi kola Ezipeto. Bo ere a moto ro doki'di kata 'ba bo dolingo nima de kpe. Bo o'bo ngi ti mi keddi kozo iya te bo o'ja kinë Boko'ba kinza ko'ja de mo nime 'deni tara.

28 Ti'di do go lende 'ba Boko'ba na ki'di Musa kiyija go to'do karama 'ba Pasaka zi Yisarele. Bo iya zinni go lijë kuli roma go kpadöri 'benni ga kinza malayika 'ba tole kodo kupö kole dondende 'benni ga ra.

29 Ti'di do go lende 'ba Boko'ba na ki'di Yisarele ngi kumu do Yöpö Kasi kebe mi doyyayi ma kelë. Tine odo Ezipeto kodo ma 'benni yo na mini kileki ngi pi'di kote domo pili yaga.

30 Ti'di do go lende 'ba Boko'ba na ki'di teli 'ba Yereko kulöru ko'ja Yisarele kilingere 'deni kuru domo nbö tö'dö mo do modomoriyö.

31 Ti'di do go lende 'ba Boko'ba na ki'di Raba 'ja bo ronyo tonë komo ngi kinza kupö ni de koto ti bo kinza kuwö do Boko'ba naga nima. Römöyi loko na kota bo kore 'ba Yisarele ro nba.

32 'Do milëri nduwë timo? Tine kada o'bo ma de kpe 'do miyëti go lende 'ba Gideni ni ti Baraka ti Samosona ti Yepete ti Dawidi ti Samölë gbi ti bo kumë lende 'ba Boko'ba moto ga.

33 Mi ti'di dönni go lende 'ba Boko'ba lijë o'do ya 'deni ti bo dolingo pili lijë ka'da. Lijë o'do lende

laka 'deni lijë ko'ja yëyi mo tönë Boko'ba kose zinnī ne. Lijë otomo kpa tabiyō ni 'deni teyi,

³⁴ lijë kiyōlu pa'do ma löbu naga, lijë komo di kpa kulu. Lijë ro ma kenme tine lijë ebe kitigo yaga. Lijë embe kozo oto di mi ya lijë ka'da bo kanya 'ba bo löwō ni ngi lijë koga kirija.

³⁵ Ti'di do go lende 'ba Boko'ba na ki'di 'ja moto ga kogba bilaka 'benni ga ame pa ro toku ne kindi ni kididi yaga zinni. Tine moto ga ilagi 'benni do ngolo na kole ngi mi anoni 'do koja lijë 'jaa mi lonjo ma laka di potō tolē.

³⁶ 'Ba ya moto ga opoto komba. Kudodu moto ga ti zingiri ku'du mi maboso.

³⁷ U'du lijë ti doku kotopa minni riyō kupō lijë ti mbele. Lijë kulē ngi tara ro go nbululu nge ti kilaka banya ni ti kamolo na gonni kozo bo lisa kodo gomo ronni ko'do kpōni ronni nime te.

³⁸ Doyayi ma kele ko'bo tinni inza. Lijë koloma ngi ro tulē kebe yi moko kebe mi longō doku ni. Bi 'ba loma 'benni ko'bo ngi mi ti'boro ni ti go.

³⁹ Ti'di donni go lende abo 'ba Boko'ba i'di bo ngi ti mi keyi ronni. Tine pele yeyi mo tönë Boko'ba kose ne lijë o'ja de gba.

⁴⁰ Romoyi Boko'ba iteri a ma laka 'deni zize 'do to'do ze pili ro löbu koto tinni.

12

Loma Do Dori Boko'ba

¹ Ma 'beze tine lijë bo laja ma konzi tönë ga dogba bine ne na kedī 'deni nati ro tidayi ze. Kina ti, donake wa ame ga kedī kirakpa ronni kpa kori zize ne ti pili yaga. Dopepeke roze yaga

di zi lende kënyë nime kënyö 'deni ngi gɔze ne. Dogboke rɔze laka 'dɔ dolɔlɔke di mi riŋa doli nime mi loma ze.

² Di'dike kɔmɔze ti kɔ'bö nburu dɔ Yësu ame bo na kodɔɔ kori 'deni zize ti'di dɔze gɔ lende abo kokɔnyi ze 'deni gbi yimo ne. Pele mi tutoti bo tonë bo asi dë yaga di rɔ ndɔbɔ abo. Lende 'ba lɔŋɔ nime këdi koda bo i'di rɔ bo ngi kaya dë di bi tolë dɔ ngëri. Kina me le'jete bo këdi koloma 'deni dɔ dori Boko'ba.

³ Omeri gɔ gomɔ nime Yësu kombi di kpa közi bo ndo'ji bo lende kënyë ni ne te. Kina kinza ki'di doki'di yi kombi dë kidaki ngi.

⁴ Rɔ kopi 'bi mi lende kënyë ömö dë gba mi tolë.

⁵ Lende 'ba doki'di këddi tonë kiya zize bine kɔzɔ kole tara ne udölu 'deni di dɔye? Ame kiya te, “Kole ma, ɔdɔ bo Boko'ba kileki ndoro 'bi döyi kinza kenge dë yaga di rɔmo. Kina ɔdɔ bo kamo döyi kinza koto dë ngi kporo.

⁶ Römöyi ya ame ga pili bo kɔ'ɔ ne na bo këdi kamo dɔmo tara molo. Ame ga bo kɔ'ɔ rɔ kole abo ga ne bo edi kiyandi molo tara bo ko'dɔ yida rɔmo.”

⁷ Ombi gomɔ 'bi ga ti pili ti mi këddi römöyi 'bu na këdi rɔ tiyandi yi. Gomɔ nime i'di 'deni ngi kinda Boko'ba na këdi rɔ tiyandi yi ni kole abo. Tara ne kole mɔtɔ edi ame 'bu mo kiyandi dë ko'dɔ yida rɔmo?

⁸ ɔdɔ kiya te kɔmɔ ma 'bëyi ngi du di mi gomɔ nime kinza ma ko'ja yi dë kɔzɔ 'ba kole ma laki, ni ma 'bëyi nima ti kinza rɔ kole ma laka ɔtɔ. Ni kole mi maŋba na ka.

⁹ 'Bu ze ga ma mi doliᅇo nime bine iyandi ze ko'do yida roze ko'o na doroke lijē. Ne 'bu yi ma löbu nime mitoro ne ebe koro bo de go wa'di 'do ko'ja didi ma ᅇburuᅇburu?

¹⁰ 'Bu ze ga ma mi doliᅇo nime bine iyandi ze ti to'do yida roze ko'o go wa ame ga lijē ko'doko go ko'do laka zinni ne. Ne ma 'ba Boko'ba bo edi ko'do ro lende laka zize go dedike gbi ro ma laka kozo 'ba bo.

¹¹ Odo akiyandi komo zii moto ebe kinda za yaga 'bowu ro gomo kinza kpe ro loᅇo. Tine ame ga kiyandi 'deni laka timo ti ko'ja kpa kozimo ᅇgi ro lende keyi 'ba bo lende laka ni.

¹² Kina ti, ombi konyo yi ma kilada 'deni mo nima toro kogbo ndii ma kidaki nima yaga kitigo.

¹³ Ileo kori kodoro zi ndii kinza ma ka'bo naga kenme ra beri, tine kileo lijē yaga.

Loma Ti Lende Keyi

¹⁴ Ogo royi tolo ma mi lende keyi ti ya ma laki pili to'do mo ᅇge ro lende laka 'ba Boko'ba. Romoyi odo ko'do de tara to'ja Boko'ba zii na ti kinza nati.

¹⁵ Ongo royi laka kinza kebe koco ra yaga di mi kori 'ba lende keyi 'ba Boko'ba. Ni moto ongo laka kinza kebe konza ᅇgira'da ma kata ne ra kebe tirasi bilaka.

¹⁶ Ongo laka kinza keddi ra ro bo yeri ala kozo Esawu bo kinza koro Boko'ba tone kugo ro löbu abo 'ba kole dandende ᅇgi do lebe koto 'ba akonyo ne.

¹⁷ Ikali 'deni, di potö mo 'bowu bo ileki tēge 'do 'bu bo ko'do yeyi zi bo. Tine ilagi ᅇgi yaga

di zi bo römöyī ɔ'bo də kpe zi bo tuyī yīmo bo koma pele ti tɔlo kɔmɔ bo.

¹⁸ Inzake kɔzɔ 'ba Yisarele tönē ga lijē kako kōmō ŋgī dɔ wa ame lijē ko'ja ti kōmōnnī kuwō gbī ne. Lijē ako 'deni kōmō dɔ dōku 'ba Sinayi ti pa'do kōbō gbī ti mandōlu ti lili ma kembe

¹⁹ ti birɔ tapi 'ba tɔtɔti ti mugu Boko'ba ma kilende. Kina ɔdɔ lijē kuwō 'deni tara tine lijē oma'jo rōnnī zi bo kinza ki'di bo kilende də kpe zīnnī.

²⁰ Römöyī kō'du ki'di abo mo ga itigo ra kulōwō. Ame kiya te, “Ɔdɔ a ma kɔzɔ banya ni ti kamölō ni pele kosa rɔ dōku nima ku'du ŋgī kupō yaga ne.”

²¹ Kinē mo i'di bilaka kere kulōwō, Musa kiya ŋgī te, “Ma rɔ tikere. Rōma ēdī kilē'dī.”

²² Tine kpe ma 'beye ömöke 'deni dɔ dōku 'ba Ziyona, gawo Yerosalema ame mo mītorɔ, liɲɔ 'ba Boko'ba bɔ didī ne, ti tīndī 'ba malayika ma konzi.

²³ Ömöke 'deni mī ŋbele 'ba kole dɔndende 'ba Boko'ba ame ga kugu möyī mo 'deni mī buku 'ba didī ne. Ömöke 'deni zi Boko'ba bɔ to'dɔ burē kodɔrɔ dɔ bilaka pili, gbī zi bɔ lende laka ma molo tönē ga bo ki'di lijē 'deni kēdī kɔzɔ bo gbī tara ne.

²⁴ Ömöke 'deni gbī zi Yēsu bɔ ko'de lömu la'ja zize, roma bo kulī 'deni rɔze turögō ze. Roma nime udu də kɔzɔ 'ba Abele, tine udu 'ba bo gɔ wa ma laka zize.

²⁵ Onḡɔke rɔye laka kinza kebe kilagike lende 'ba Boko'ba ame bo kēdī kilende ziye ne də. Ya ma dɔgba tönē ga kilagi lende abo di dɔ dōku

bine ne, lijë okpe dë du te yaga di mī gomɔ mo. Ne ɔɔ dilagike ma 'beze lende ame di mitoro ne, ti döpuke yala di kpa gomɔ mo?

²⁶ Mī kada nima yayi mugu bo ma kudu iyaya yayi 'deni. Kina me le'jete bo iya te, "Ti miyaya döyayi ni ti mitoro nge mī koto nati."

²⁷ Tine ame bo iya te, "Nge mī koto nati." Omba kina me kileme 'deni wa naga nime pili ko'ba ne ti kiyaya gomɔ 'deni nḡi kona yaga, tine 'dɔ ma kinza kiyaya mo ga na nge koloma.

²⁸ Kina dolomake ti, ti mī këyi. Boko'ba ëdi ki'di nere löbu abo zize ame kinza kiyaya dë ne. Doroke bo Boko'ba ti dumötuke bo kɔzo ako'doko abo.

²⁹ Römöyī bo Boko'ba ze na rɔ pa'do ma kitene wa kudī 'doyi.

13

Ndose

¹ Ö'böke ti nburu tɔ'ɔ löndö ye ga.

² Kinza kolake gɔ tota bɔ löwö rɔ nba dë. Römöyī ya mɔto ga pele ota malayika 'deni rɔ nba kinza ma kikali gomɔ.

³ Omerike ya ma tönë ga koloma mī maboso ne te, nḡi kɔzo iya te kpe na mī maboso tinnī tara. Omerike ya ma tönë ga mī gomɔ ne te, nḡi kɔzo iya te kpe na 'deni mī gomɔ kɔzo 'bënnī tara.

⁴ Rɔ kogbe ki'di lende mo këdi rɔ ma koro. Më'dë ni ti 'ja kinda'ba ga lende mo laka. Römöyī Boko'ba ëdi kodɔ karama dɔ bɔ yëri ni kada mɔto.

⁵ Kinza kö'bö dë tombi doki'di yī gɔ lende 'ba girisi. Wa ame këddi 'deni timo i'di lende mo

kò'bo yi. Rómöyí Bòko'ba iya 'deni te, “Minza mola yi. Minza milagi di röyí.”

⁶ Kina dolomake ti, ti mī kēddī gò diyake te, “Njere Bòko'ba na rò bò kònyì ma. Minza mere kpe. Bilaka lesi inza kò'bo to'dò ɔtɔ zò.”

⁷ Omerike bò dò kanisa ma molo tònè ga koloma rò tiya laja 'ba Bòko'ba ziye ne te. Loma 'bènnì ga ti tölè mo, omerike te. Kina 'dò kinda'bake gbì kòzò ma 'bènnì tara mī ti'di dɔye gò lende 'ba Bòko'ba.

⁸ Rómöyí Yèsu Kurisütö uyí rònì dè. Bo ò'bò 'deni tara tipiyara ene gbì tara tɔne nduwè njò rò njburunburu.

⁹ Kinza kolake dò kupö akiyandi ma lówö mɔtɔ ga dè kòtɔ ye yaga di mī kòri. A ma 'dò ki'di dökì'di kēddī ziye na rò lende kèyí 'ba Bòko'ba. Dölētì gò lende 'ba akonyo naga nima okònyì lijè bɔtɔ bò koro mo ga dè du te.

¹⁰ Ma 'beze dēdike 'deni ti kpa kòzì ki'di zi Bòko'ba ame lijè bò akumu mo tònè ga mī rò mo yayi ne kosa akonyo mo dè du te kpènnì.

¹¹ Bò akumu ma löbu 'bènnì mo ga ò'bò to'de roma yèrì na mī gò bi ma koro mo rò kpa kòzì ki'di zi Bòko'ba gò lende kènyè 'ba bilaka. Tine yida mo onma njò yaga mökò di mī taya 'bènnì mo.

¹² Kina me 'deni gbì tara, Kurisütö ölè 'deni njò mökò yaga di mī gawo 'dò roma bo kurögò bilaka pili yaga kòpɔ.

¹³ Kina ti, dènyike dɔdɔke yaga di mī taya 'ba bò mo ga darike zi bo 'dò laja tònè kòdò rò bo ne kòdò gbì rɔze.

14 Römöyî dinzake ti gawo ma ḡburu mî dɔyayi bine. Dëdike rɔ toma gawo ame kedi kako 'jaa kada mɔtɔ ne.

15 Kina ti, gɔ lende 'ba Yësu dö'böke ti ḡburu tilëlu Boko'ba. Akilëlu na rɔ kpa közi ki'di 'beze 'ba ya ma kedi kideki bo rɔ ḡere naga.

16 Tine kinza kola gɔ to'dɔ lende laka ti tokɔnyi bilaka dë römöyî kina rɔ kpa közi ma kiyëyi doki'di Boko'ba.

17 Ya ame ga mbiri rɔ bɔ dɔye mî kanisa ne, uwöke dɔmo. Lijë na kedi konḡɔ gɔye römöyî lijë na ti kiyëti gɔ lende 'be ga kada mɔtɔ kɔmɔ Boko'ba. I'dike lijë ko'dɔ ndɔbɔ nime ti mî këyi kinza meri gɔ lende 'ba kinza tuwö dönni. Römöyî ma tara inza kokɔnyi ye.

18 Umötuke nduwë gɔze. Dikali ḡḡi dinza rɔ to'dɔ lende kënyë, tine do'dɔkɔ loma ze gɔ kö'bö rɔ ma laka.

19 Kina ma rɔ dɔ kiteli mo mititi ye pili 'dɔ kumötuke goma gɔ Boko'ba kileki ma welo ziye yayi.

Mötu

20 Ee, bo Boko'ba bɔ lende liya kokɔnyi ye. Bo na kombi Yësu ḡere ze bɔ kɔnyi ma löbu koja yaga di mî tölë gɔ lende 'ba roma Yësu ame lömu ma ḡburunḡburu abo kɔrɔ 'deni ḡburu dɔmo ne.

21 Bo ki'di lende laka abo ti pili ziye to'dɔ ako'dɔkɔ abo. Bo ki'di Yësu Kurisitö ko'dɔ ndɔbɔ mize 'dɔ diyëyike doki'di bo. Rɔ löbu kedi zi bo Yësu nduwë rɔ ḡburunḡburu. Amini.

22 Löndö ma ga, mugu wa naga nime 'deni ti'di doki'di keddi timo ziye. Moma'jo rɔma ziye,

uwöke dɔmo ti mĩ këyĩ römöyĩ lende mo ka le
ngĩ mbowa.

²³ Mi'di ame ziye tikali mo, ope löndö ze
Timatiyo 'deni yaga di mĩ maboso. Ɔdɔ bo kömö
gĩrĩ naga nime zö bine, ti dari kɔtɔ ti bo ziye yayi.

²⁴ Umötöke bɔ dɔ kanisa ma yayi naga nima
pili ti möyĩ ma ti bilaka 'ba Bɔko'ba pili. Bilaka
ma Italiya umötö ye.

²⁵ Lende këyĩ 'ba Bɔko'ba koloma tiye pili.

Jur Mödö
Jur Modo: Ndose Kodo Laka, Buku 'ba Tisaki ni Tодо
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07